



Broj: 12-05/2-02-88/21  
Zenica, 17.03.2021.godine.

**BOSNA I HERCEGOVINA**  
**FEDERACIJA BOSNE I HERCEGOVINE**  
**PARLAMENT FEDERACIJE**  
**DOM NARODA**  
- Sekretar -

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

Primljeno: 29-03-2021			
Org. jed.	Broj	Priloga	Vrijednost
05/2	-	02-88	/21

Hamdije Kreševljakovića br. 3. 71000 Sarajevo

**PREDMET:** ODGOVOR na delegatsko pitanje - dostavlja se -

(Veza Vaš akt broj 05/2-02-88/21 od 08.03.2021.g.)

Ministarstvu za prostorno uređenje, promet i komunikacije i zaštitu okoline Zeničko-dobojskog kantona dostavili ste putem akta broj 05/2-02-88/21 od 08.03.2021.godine delegatsko pitanje koje je podnio Jasminko Kapić, delegat u Domu naroda Parlamenta Federacije Bosne i Hercegovine.

S tim u vezi dostavljamo odgovor na podneseno delegatsko pitanje, kako slijedi:

Ministarstvo za prostorno uređenje, promet i komunikacije i zaštitu okoline Zeničko-dobojskog kantona, na zahtjev investitora „Dobojputevi“ d.d. Doboj Jug donijelo je dana 30.11.2020.godine Rješenje o odobrenju za građenje broj: 12-19-7800/20, kojim je navedenom investitoru odobrena rekonstrukcija i dogradnja postojećeg kompleksa „Asfaltne baze“ na lokalitetu Bistrica, općina Maglaj.

U postupku izdavanja odobrenja za građenje, Ministarstvo je u skladu sa pozitivnim zakonskim propisima, po službenoj dužnosti u ime investitora, aktom broj:12-19-7800-1/20 od 07.10.2020.godine pokrenulo kod nadležne Službe Općine Maglaj postupak za utvrđivanje naknade za uređenje i korištenje građevinskog zemljišta. Nadležna Služba Općine Maglaj nije u zakonskom roku utvrdila iznos naknade za uređenje i korištenje građevinskog zemljišta, te je Ministarstvo ponovo aktom broj: 12-19-7800-2/20 od 04.11.2020.godine tražilo utvrđivanje navedene naknade. Ni nakon ponovljenog zahtjeva nadležna općinska služba nije utvrdila iznos naknade za uređenje i korištenje građevinskog zemljišta.

Odredbama stava (1) člana 60. Zakona o prostornom uređenju i građenju Zeničko-dobojskog kantona („Službene novine Zeničko-dobojskog kantona“, broj:1/14 i 4/16) propisano je da je naknada za uređenje građevinskog zemljišta regulisana Zakonom o građevinskom zemljištu, a odredbama stava (2) istog člana propisano je da se iznos naknade troškova za uređenje građevinskog zemljišta za svaki pojedinačni slučaj utvrđuje posebnim aktom koji donosi nadležna općinska služba.

Odredbama člana 117. stav (6) navedenog Zakona o prostornom uređenju i građenju propisano je da u postupku izdavanja odobrenja za građenje, Ministarstvo, odnosno nadležna općinska služba kao prethodno pitanje rješava naknadu za uređenje građevinskog zemljišta, te naknadu za pogodnost i korištenje građevinskog zemljišta. Također je propisano da je Ministarstvo, odnosno nadležna općinska služba po prijemu kompletnog zahtjeva **dužna** utvrditi iznose spomenutih naknada i izdati rješenje investitoru u roku od 7 dana.



Odredbama člana 117. stav (1) navedenog Zakona propisano je da se u postupku izdavanja odobrenja za građenje primjenjuje i Zakon o upravnom postupku. Odredbama člana 142. stav (1) Zakona o upravnom postupku („Službene novine Federacije BiH“, broj: 2/98 i 48/99) propisano je da organ koji vodi postupak naiđe na pitanje bez čijeg rješenja ne može riješiti samu stvar, a to pitanje čini samostalnu pravnu cijelinu za čije je rješenje nadležan sud ili neki drugi organ (prethodno pitanje), **on može** pod uvjetima ovog Zakona, sam raspraviti to pitanje, ili postupak prekinuti dok nadležni organ to pitanje ne riješi. Odredbama člana 143. navednog Zakona utvrđeni su slučajevi kada organ koji vodi postupak **mora** prekinuti postupak, a to je kada se prethodno pitanje odnosi na postojanje krivičnog djela, na postojanje braka, ili kada je to zakonom određeno, a odredbama člana 146. stav (2) navedenog Zakona data je mogućnost organu koji vodi postupak da isti može nastaviti postupak po službenoj dužnosti i u slučaju kada ocjeni da više nema razloga da se čeka na konačno rješenje prethodnog pitanja kod nadležnog organa.

Na osnovu navedenih činjenica i zakonskih propisa, a uvažavajući i analognu primjenu odredaba člana 202. stav (5) Zakona o upravnom postupku, Ministarstvo za prostorno uređenje, promet i komunikacije i zaštitu okoline Zeničko-dobojskog kantona, na zahtjev investitora „Dobojputevi“ d.d. Doboj Jug donijelo je predmetno Rješenje o odobrenju za građenje kojim je navedenom investitoru odobrena rekonstrukcija i dogradnja postojećeg kompleksa „Asfaltne baze“ na lokalitetu Bistrica, općina Maglaj.

Ministarstvo je predmetnim Rješenjem o odobrenju za građenje u tački II. 9. dispozitiva rješenja uslovalo obavezom investitoru „Dobojputevi“ d.d. Doboj Jug da po prijemu rješenja o utvrđivanju visine naknade za uređenje i korištenje građevinskog zemljišta od nadležne općinske službe dostavi Ministarstvu dokaz o uplati navedene naknade ili kopiju ugovora o plaćanju naknade na rate u skladu sa zakonom.

Protiv predmetnog Rješenja o odobrenju za građenje dozvoljena je žalba i isto nije izvršno do okončanja postupka po žalbi, niti pravosnažno do iscrpljivanja mogućnosti ulaganja žalbe i pokretanja upravnog postupka pred nadležnim sudom.

S poštovanjem,

**MINISTAR:**

**Arnel Isak**

**Dostavljeno:**

-Naslovu

-a/a